



Inatsisartunut ilaasortaq
Mariane Paviasen
Inuit Ataqatigiit

**Kommunini sulianik suliarinnittartunut pikkorissartitsisarnerit pillugit § 37
naapertorlugu apeqqummut nr. 2020 - 187-imut akissutit**

13-11-2020
Suliap nr.
All. id. 15274396

Asasara Mariane Paviasen

Postboks 260
3900 Nuuk
Oqarasuaat (+299) 34 50 00
Naqitanik nassitsigasuaat
(+299) 34 66 66
E-mail: iian@nanoq.gl
www.naalakkersuisut.gl

Apeqquinnut qujanaq. Apeqquutit ataani uteqqinneqarput akissummillu
kinguneqartinneqarlutik.

Apeqquutigineqartuni pingaarnertut pisortanit ikiorsiissutitut suliaasaqarfik pineqarpoq.
Isumaginninnermut Aqutsisoqarfimmi aamma ilinniartitaanermut suliaasaqarfimmi
kommunini sulianik suliarinnittartunut pikkorissartitsisarnerit qitiutinneqartuarmata
apeqquteqartumut erseqqissaassutigineqartariaqartoq Naalakkersuisut aallarniutigalugu
isumaqarput.

Isumaginninnermut suliaasaqarfimmi kommunini sulianik suliarinnittartut
piginnaasamikkut ineriartortitsiffiunissaannut aamma ilinniaqqittarnissaannut
ilinniakkamikkullu ingerlaqqittarnissaannut amerlanerusunik pitsaanerusunillu
periarfissaqalernissaat Naalakkersuisut pingaartittorujussuaat. 2021-mi
isumaginninnermut suliaasaqarfimmi kommunini sulianik suliarinnittartunut sammititanik
ilinniarnernik marlunnik nutaanik Perorsaanernik Ilinniarfik ilaatigut
neqerooruteqarniarpoq. Matumani isumaginninnikkut sulinermi siunnersortitut
(qaffasissumik ilinniarneq) aamma siunnersortimut assistentitut (inuussutissarsiutitut
ilinniarneq) ilinniarnernit pineqarput, ilinniarnernilu immikkut ilinniarnissat arlallit
neqeroorutaapput, soorlu inersimasunut suliaasaqarfik aamma isumaginninnikkut
ikiorsiissutit.

**1. Pisortaniit ikiorsiissutit pillugit inatsit atuuttut tunngavigalugit
inatsisartut inatsisaat aallaavigalugu kommunini sullissisut
pikkorissartinneqarnissaat sulissutigineqarniarnerpa?**

Naalakkersuisut pisortanit ikiorsiissutitut aqqissuussinerup
aqqissuusseqqiffigineranik suliaqarlutik aallartereerput, tamatumalu Inatsisartunut
2021-mi saqqummiunneqarnissaa naatsorsuutaavoq.

Pisortanit ikiorsiissutitut aqqissuussinerup nutaap atortussanngortinneranut atatillugu
Naalakkersuisut ilaatigut pikkorissartitsinerinik ingerlatsiniarput, pikkorissartitsinerillu
taakku aqqutigalugit kommunini sulianik suliarinnittartut inatsit nutaaq malillugu
sulinissaminnut piareersimanerulissapput.

2. Pikkorissartitsinerit aallartinneqassagunik qaqugu aallartinniarnepat?

Kommunini sulianik suliarinnittartut inatsisinut nutaanut piffissaqarlutik piareersarnissaat siunertaavoq. Taamaammallu kommunini sulianik suliarinnittartunut pisortanit ikiorsiissutit pillugit inatsisinut pikkorissartitsinerit pisortanit ikiorsiissutitut aaqqissuussinerup nutaap atuutilersinnerani ulluliunneqartumut ataqatigiissarneqassapput.

3. Pikkorissartitsisoqarniarpat kommunini kommunit allaffiini sulisut inunnik toqqaannaq sullissisut pikkorisarfissatut amigaatigisorisaat tusarniaavigineqaqqaarlugit ingerlanneqarsinnaappat?

Isumaginninnermut, Ilaqutariinnut Inatsisinillu Atuutsitsinerimut Naalakkersuisoqarfik aaqqissuusseqqinnermik suliaqarnermut atatillugu kommuninik tamanik oqaloqateqartuarpog. Kommunini sulianik suliarinnittartut akornanni ilinniarnissamik pisariaqartitsinerimut tunngatillugu oqallinnerit, qanorlu iliornikkut sulisorineqartut inatsit nutaag malillugu sulinissaminut pitsaanerpaamik piareersarneqarsinnaanersut oqaloqatigiittarnermi tassani ilaapput.

Pikkorissartitsinerit ineriartortinnissaannut ingerlattarnerannullu tunngatillugu erseqqinnerusumik qanoq ingerlariaqqittoqarnissaa kingusinnerusukkut pilersaarusiorneqarumaarpoq.

4. Pikkorissartitsisoqarnianngippat suna tunngavigalugu pikkorissartitsiniarnerit ingerlanneqarsinnaan- nginneri nassuaateqarfigineqaqqunaqaaq

Apeqquut 1-imut akissut takuuk.

Inussiarnersumik inuulluaqqusillunga


Martha Abelsen